

Ddi n'engeri yokukozesaamu eddagala erifuuyira enkolokolo z'emiti.

Emiti egimu giddamu ne gimeruka ne gikula oluvannyuma lw'okugisala naye ebiseera ebisinga oyinza obutagyetaaga kuddamu kumeruka. Eddagala erifuuyira enkolokolo z'emiti lisobola okukozesebwa okwewala kino.

Enzijanjaba y'ekolokolo nkola ya mitendera ebiri era omutendera ogusooka gulimu okusala omuti. Ku nduli entono, osobola okukozesa omusumeeni naye ku nduli ennene ojja kwetaaga ekyuma ekisala emit. Ng'okozesa ekyuma ekisala emit, kakasa nti okozesa eby'okwekumisa omuli elementi, ebibikka amatu, ebibikka amaaso, ebyambalo by'okusaliramu, ebisabika engalo ne gambuutu.

Enkozesa y'eddagala erifuuyira

Mu kutabula n'okukozesa eddagala erifuuyira, ojja kwetaaga eby'okwekumisa era bye bino; ebibikka engalo, ebibikka amaaso, essaati y'emikono emiwanvu n'empale, gambuutu n'ekifuyira.

Oluvannyuma lw'okusala omuti, osobola okuteekako eddagala lyo kati naye jjukira okukyusa ebyambalo by'okusaliramu omuti oyambale eby'okufuyira enkolokolo.

Ku nduli ennene, teekako eddagala erifuuyira ku mabbali g'ekolokolo (cambium layer). Enkuba oluvannyuma lw'essaawa mukaaga oba wansi waazo oluvannyuma lw'okufuyira kikendeeza ku maanyi g'eddagala erifuuyira.

Ku nduli entono, enduli gisale ng'okozesa omusumeeni era osiige waggulu w'ekolokolo wonna ng'okozesa eddagala erifuuyira.

Enkola y'okujjanjaba enkolokolo n'eddagala erifuuyira ekola nnyo ku nduli ennene singa eddagala erifuuyira liteekebwako mangu ddala nga w'akasala okusinziira ku bulambe, awo kizibu okuddamu okumeruka.